



Damonda da baghegiar

Nr. 20/2022

Datum da publicaziun: 11-03-2022
Patrun: Schlösser David, 7174 S. Benedetg
Liug e parcella: S. Benedetg-Via Sur Val; 963
Object: nova pumpa da calira

Nr. 24/2022

Datum da publicaziun: 11-03-2022
Patrun: Tschuor Fabian e Luppi Ursina, 7130 Glion
Representant: Sandra Cortesi, 7000 Cuera
Liug e parcella: Rabiun-Via Fravia; 5229
Object: construcziun d'ina casa d'ina famiglia

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 11-03-2022

Cumissiun da baghegiar

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 11/2022

Niederberger Kaspar, 8193 Eglisau; remplazzar finiastras dil baghetg nr. 457 sin parcella nr. 277 a Rabiun-Via Cavivens.

Nr. 17/2022

Berther Flurin, 7172 Rabiun; construcziun d'ina lingia d'aua da sfundrada sin parcella nr. 325 a Rabiun-Via Tschuppina.

Nr. 23/2022

Cajacob Lothar, 7175 Sumvitg; remplazzar finiastras vid il baghetg nr. 3 sin parcella nr. 4184 a Sumvitg-Via Quadras Sut.

Sumvitg, 11-03-2022

Cumissiun da baghegiar

ELECZIUNS COMMUNALAS 2022

Demissiuns d'uffecis

Sin fundament d'art. 19 dalla lescha da votaziuns ed elecziuns han ils suandonts officials comunals inoltrau lur demissiun sin ils 31 da schaner:

a) Suprastonza communal

Candinas Armin, Rabius	president communal
Bearth Giusep, Sumvitg	gerau
Berther Flurin, Rabius	gerau
Candinas Robert, Surrein	gerau
Duff Marcus, Cumpadials	gerau

b) Cumissiun da quen e gestiun

Schnoz Manuela, Rabius	presidenta
Vincenz Rafaela, Sumvitg	commembra

c) Cumissiun da baghegiar

Beer Davide, Rabius	president
Veckmans Sonia, Sumvitg	commembra

Officials che han buca demissiunau

Ils suandonts officials han buca demissiunau e valan consequentamein sco proponi tenor art. 21 dalla lescha da votaziuns ed elecziuns:

a) Cumissiun da baghegiar

Forster Ulrich, Surrein
Monn Erwin, Sumvitg

Cumissiun da quen e gestiun

Damiano Michele, Rabius

Nominaziuns novas

Tenor art. 21 dalla lescha da votaziuns ed elecziuns san ils vischinadis ni gruppaziuns da silmeins 15 votants far nominaziuns da candidats per scadin post che stat en elecziun. Tuttas propostas per la gliesta officiala ein d'inoltrar a scret all'administraziun communal entochen ils **15 da mars**. Sin giavisch tarmetta l'administraziun tier ad interessents ni gruppaziuns gliestas per nominaziuns. Scadina proposta sto vegnir inoltrada cun la gliesta officiala. Las elecziuns ein fixadas sin dumengia, **ils 10 d'avrel 2022**.

Mintga vischin proponiu sto vegnir orientaus digl'emprems sutsignau dalla gliesta ch'el vegni proponius sco candidat per in uffeci e sto confirmar quei cun sia sutscriziun. Las candidaturas ston mintgamai cuntener num, prenum, onn da naschientscha, liug e professiun dil nominau.

Ulteriuras demissiuns

Da uffecis che vegnan buca elegi all'urna han las suandontas personas demissiunau sin ils 31 da schaner:

a) Cumissiun da meglieraziun

Maissen Theo, Sevgein	president
-----------------------	-----------

b) Cumissiun donaziun Greina

Cajacob Alice, Sumvitg	commembra
------------------------	-----------

c) Cumissiun da perimeter

Schmid Franz, Glion	president
---------------------	-----------

d) Biro electoral

Schnoz Manuela, Rabius	commembra
------------------------	-----------

Radunonza da vischnaunca

La proxima radunonza da vischnaunca ha liug mardis, ils 22 da mars 2022 allas 20.00 uras a Sumvitg.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 22-02-2022
4. Tractaziun ed approvaziun dil project habitaziuns casa da scola Sumvitg e concessiun dil credit brut da 985'000 francs
5. Tractaziun ed approvaziun dil project Salischinas e concessiun dil credit brut da 821'000 francs
6. Tractaziun ed approvaziun dil project sanaziun Via Naustgel e concessiun dil credit brut da 2'400'000 francs per mauns dalla votaziun all'urna
7. Tractaziun ed approvaziun dalla revisiun parziala dils statuts digl Uffeci funsil Cadi
8. Orientaziuns
9. Varia

Dils documents tier la tractanda 7 sa vegnir priu investa sin canzlia communal duront las uras da spurtegl.

Sumvitg, 11-03-2022

Suprastonza communal

Lenna da brisch 2022

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn

Igniu 55.00 frs/m³

Lenna da feglia

Igniu 75.00 frs/m³
(mischedau, senza fau)

Il quantum da lenna da feglia (ogna e fraissen) ei limitaun e vegn partius si tenor las annunzias.

Auters loghens sin damonda.

Ils prezis secapeschan excl. taglia sin plivaleta. Cundiziuns da pagament ein 30 dis net. Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: uffeci.forestal@sumvitg.ch, ni per telefon (081 920 25 06). Las empustaziuns ston succeder entochen sil pli tard venderdis, ils **8. d'avrel 2022**.

Bien engraziament per Vossa empustaziun!

Sumvitg, mars 2022

*Il selvicultur da revier
Beat Cadruvi*

Uffeci civil Surselva

Mortori

Carisch-Albin Tresa, naschida ils 05-10-1932, morta ils 05-03-2022, stada sesenta a Trun.

Sumvitg, 11-03-2022

Controlla da habitonts

Serrada via Val Sumvitg

Ord motivs da segirtad resta la via Val Sumvitg **serrada** naven d'immediat sil tschancun da Val anen per tut traffic.

Sumvitg, 11-03-2022

Departament traffic

Corporaziun d'alps Sumvitg

Radunonza generala 2022, gievgia, ils 17-3-2022 allas 20.00, Ustria «Cruna», Sumvitg.

Tractandas:

1. Beinvegna
2. Elecziun da dus dumbravuschs
3. Approbaziun dil protocol dalla davosa radunonza
4. Rendaquen 2021
5. Elecziuns/mutaziuns
6. Investiziuns
7. Orientaziuns
8. Varia

Cordialmein envida la *suprastonza*

Emprova publica Societad da musica Sumvitg/Cumpadials

Preziai amitgs, prezias amitgas dalla musica

Suenter dus onns far negina musica, astgein nus puspei prender neunavon nos instruments ed entscheiver cun las emprovas per la nova sesiun da musica. Nus havein priu la caschun ed organisar in'emprova publica per in e scadin. Has era ti interess da sunar in instrument da stuors ni da percussiu e daventar commember/a dalla Societad da musica

Sumvitg/Cumpadials? Bugen envidein tei **venderdis, ils 11 da mars 2022**, allas 20.00 en halla da scola a Sumvitg ad in'emprova da fuffergnadi. Ti has la pusseviltad d'empruar ora differents instruments ed era da gest sunar in pèr tuns ensemen cun nus. Nus selegrein sin tia viseta. Per ulteriuras damondas stat nies president Roger Arpagaus bugen a disposiziun, 078 837 59 76.

Annunzia scoletta per igl onn da scola 2022/23

Il scriver cul talun d'annunzia obtegnan ils geniturs dils affons dall'annada 2017 ils proxims dis. Ils affons dall'annada 2016 che han gia frequentau in onn scoletta valan sco annunziai. En cass che Vus retscheveis negin scriver ni che Vus haveis ulteriuras damondas, astgeis bugen contactar nus duront las uras da spurtegl (**gliendisdis e gievgia 8.00–12.00 e 13.30–17.00**) sut 081 936 33 04. *L'administraziun dil Consorzi da scola Sumvitg-Trun*

Solidaritat cull'Ucraina

19-3-2022, 16.30 Concert per pasch e libertad

Mustér – sala Peter Kaiser / Chor d'affons Sumvitg Flurin Caduff, cant; Oana Camartin, violina; Andrea Wiesli, piano; Jonas Kreienbühl, cello. Collecta per agid humanitar ell'Ucraina.

Apparat d'udida

Gliendisdis, ils 14 da mars 2022, saveis Vus schar schubergiar e rugalar Vies apparat d'udida: 9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan comunablamein quei survetsch gratuit per tuts interessents. Ei drova negina annunzia.